

四庫全書

史部

欽定四庫全書

史部

欽定南巡盛典卷

六十九
七十

詳校官檢討臣
潘紹經

欽定四庫全書

欽定南巡盛典卷六十九

褒賞

臣等謹按董仲舒有言春者天之所以生也仁者君之所以愛也天行健而覆露照導普汜無私聖憲天而行慶施惠莫不欣悅帝王統乾元體太一法乎春生歸於仁育三五以來靡不由之

國家重熙累洽寰海內外沐浴膏澤歌咏太平之日

久矣

皇上以至仁極聖秉錄膺圖羣生霑濡淪肌決髓

清蹕所屆

愷澤覃敷極渥至優懿燦往載粵自重光協洽洎乎闕

逢執徐

翠華六幸江浙內而親藩御尹扈從之臣外而秉節麾
旄封疆之吏下逮文武將士庶司百執事迄芻蕘
輿隸掃除輯濯之夫靡不

睿慮周詳賚子周悉至若耆年碩德齒危髮禿之彥英
時俊邁覈義希仁之士隱淪野處白叟黃童瞻雲

就日遮道迎

鑒者或

優以爵祿或

頒之粟帛或

予以金錢或

錫以酺燕躬被者抃舞聽者謳思憂哉邈乎登邳治

于隆平超義軒而無上太和保合釀化充周又宣
僅式序有位加地進律之云爾哉

深恩沐於平日

異數被於入疆易曰雲行雨施品物流形蓋乘春以
布澤而天下歸仁固非揚厲之所能賅舉矣臣等謹錄

前後所奉

諭旨

恩賞諸事依次年月彙輯成編為

褒賞第七

欽定四庫全書

欽定南巡盛典卷六十九

褒賞

乾隆十五年十月初一日

上諭內閣曰向來截留漕糧歇幫船隻例給一半本折
月糧俾旗丁資以養贍朕前因南省明春需米將江
浙二省乾隆十五年漕米共截留二十五萬石應減
幫船頗多若照例給與折半月糧恐其苦蓋食用尚

有不敷著加恩於應給折半之外再賞給二分以恤
丁力該部即遵諭行

乾隆十六年正月二十一日

上諭內閣曰朕此次南巡所有經過直隸山東江南浙
江地方各營汛兵丁有派辦差務者著查明賞給兩
月錢糧以昭恩賚

乾隆十六年正月二十二日

上諭內閣曰朕翠華南幸所有直隸山東江南浙江等

省承辦差務之文武官弁宜一體加恩著各該督撫查明咨部凡有罰俸降級之案俱准其開復其無此等叅罰案件者各加一級

乾隆十六年二月初七日

上諭內閣曰此次隨朕南巡人等雖俱賞有幫貼路費俸祿錢糧官馬但內地行走與口外不同其一應物價不無昂貴勢必稍需餘費著總理行營事務大臣將此次隨來大臣侍衛官弁執事人兵丁及存住順

河集人等作何加恩賞賜之處分別定議具奏所賞銀兩於兩淮鹽政存貯公項銀內動用

乾隆十六年二月初八日

上諭內閣曰劉師恕著加恩賞給侍讀學士職銜吳華孫汪士鋐于枋周龍官俱著加恩給還翰林院編修以原銜休致

乾隆十六年二月初九日

上諭內閣曰朕稽古時巡省方問俗直隸屢經臨幸地

方供頓辦理夙有章程山左山右曾准商捐於閭閻
並無擾累茲當巡幸江南地方官初次承辦大差距
皇祖南巡已四十餘年舊章難于稽攷深慮其辦理拮据
或致有累民力今兩淮商人踴躍急公捐輸報効地
方官一應公務俱於此取給可信其無絲毫擾累閭
閻而辦理工程貧民更得資其利賴於生計轉有裨
益甚屬可嘉著加恩各按其本身職銜加頂帶一級
以示朕卹商為民至意

同日

上諭內閣曰熊學鵬著加恩賞給原銜王璣葉一棟繆孔昭俱著加恩賞給鴻臚寺卿銜馬豫賞給翰林院編修銜曹繩柱朱鳳英王箴與各賞給原道府銜黃蘭谷賞給五品銜柳廷璣賞給原知縣銜朱鎔賞給縣丞銜黃暄馮焜俱加恩准令河工効力三年無過以通判補用

乾隆十六年二月初十日

上諭內閣曰朕巡幸江浙經過地方各營汛兵丁有派
令辦差者俱著加恩賞給兩月錢糧今念河兵有攬
緯諸務更屬勤勞再加賞一月錢糧以示優卹

乾隆十六年二月十三日

上諭內閣曰高斌張師載管理挽緯河兵一路隨從諸
事實心辦理所屬河工人員亦俱能黽勉出力甚屬
可嘉高斌著加一級張師載著加頂帶一級作為從
一品其河工辦差人員俱著各加一級

乾隆十六年二月十五日

上諭內閣曰許王猷著加恩賞給侍讀學士銜江吳鑑著給還知州銜陳克鎬黃湘俱著給還知縣銜嚴鈺仍賞給主簿銜黃錫申以叅將用周光烈交與該部發往鄰省以守備委署試用三年無過題請寔授

同日

上諭內閣曰革職提督楊凱前來接駕朕觀其年力未衰從前叅案尚無實在劣蹟且曾經歷練戎行著加

恩以總兵官用

乾隆十六年二月十六日

上諭內閣曰朕省方所至廣沛恩膏前因兩淮商衆踴躍急公業已加恩優獎更念其運綱輸課接濟民食恤商斯足以惠民特行再沛殊恩著將兩淮綱鹽食鹽於定額外每引賞加一十觔不在原定成本之內俾得永遠沾受實惠商人仰體朕博愛敦本至意風俗雖未必驟更近一分返樸之心即遠一分極奢之

念植息毋取其三倍減一分售鹽之價卽利一分食
鹽之人具有昂值網利致累閭閻則深負加恩德意
該鹽政其通示衆商知之

同日

上諭內閣曰革職廣東巡撫王蕃著加恩賞給三品職
銜革職銜永彬道許登瀛著加恩賞給五品職銜

乾隆十六年二月十七日

上諭內閣曰朕清蹕南巡行慶施惠所有駐防旗人亦

應一體加恩著各督撫將軍等將江寧京口浙江等處駐防滿洲漢軍官兵年七十八以上者查明分別賞賚

乾隆十六年二月十八日

上諭內閣曰于梓年已八十前來接駕著加恩給還知縣原銜並著賞給緞疋

乾隆十六年二月十九日

上諭內閣曰現在隨營當差之江寧等處協領叅領等

著各賞給緞四疋防禦以上官員各賞給緞三疋驍
騎校兵丁人等各賞給一月半錢糧沿途坐臺及隨
督臣黃廷桂當差之京口等處協領叅領等員著各
賞給緞三疋防禦以上等官各賞給緞二疋驍騎校
兵丁人等各賞給一月錢糧

乾隆十六年二月二十日

上諭內閣曰舉人華希閔年逾八十著給與知縣職銜
仍著賞給緞疋

同日

上諭內閣曰孫灝從前革職之案尚無寔在劣蹟且年力猶屬壯盛著加恩以少詹事補用

乾隆十六年二月二十三日

上諭內閣曰顧祖鎮著加恩賞給五品職銜郭孫順著給還檢討職銜范瑤著給還知府職銜

乾隆十六年二月二十五日

上諭內閣曰李重華著加恩賞給編修原銜

乾隆十六年三月初二日

上諭內閣曰此次接駕人內革職御史范咸員外郎陳祖勲知府金以成姜士崙同知徐志巖州同烏伸州判張宗洙俱著加恩給賞原銜

乾隆十六年三月初七日

上諭內閣曰胡彥穎著加恩給還編修原銜費楷陳恭周宣猷俱著賞給原銜

乾隆十六年三月初八日

上諭內閣曰廖鴻章著加恩給還檢討

乾隆十六年三月十一日

上諭內閣曰朕問俗省方翠華所至黃耆台背策杖歡
迎雖已于途次各加恩賜而恤高年推恩宜渥著各
督撫查明經過州縣男婦七十以上者照從前恩詔之
例分別賞賚

乾隆十六年三月十三日

上諭內閣曰此次杭州駐防滿洲官員兵丁內沿途坐

臺隨營當差以及演陣人員俱已加恩分別賞賚但在城駐劄官員兵丁此際亦各奮勉當差著加恩于官員兵丁較演陣人員賞賚之數減半分開賞賚

乾隆十六年三月十五日

上諭內閣曰陳其凝著加恩賞給編修職銜熊本著給還編修原銜王者輔陳令言著給還知州縣丞原銜
乾隆十六年三月十六日

上諭內閣曰此次隨從大臣侍衛章京執事兵丁等從

前雖經加恩賞賜但行走日期過多不無所費著加恩大臣侍衛章京執事兵丁等仍照前次總理行營大臣等議奏之數賞給

乾隆十六年三月十九日

上諭內閣曰文鐸著加恩給還知縣原銜

乾隆十六年三月二十三日

上諭內閣曰致仕侍郎沈德潛著加恩照依原官賞給本俸

同日

上諭內閣曰吳樂陳采俱著加恩給還知府原銜陳夢魚著給還司務原銜

乾隆十六年三月二十四日

上諭內閣曰革職同知李直方黃煥通判方道永知縣張應梅吏目譚秀健俱著加恩賞給原銜

乾隆十六年三月二十六日

上諭內閣曰革職總兵雷澤遠著加恩賞給叅將銜令

其休致革職知縣吳率祖教諭魏權俱著賞給原銜

乾隆十六年三月二十八日

上諭內閣曰革職監察御史王原圻知縣陳嘉書張鑑俱著加恩給還原銜

同日

上諭內閣曰江寧駐防兵丁每年應支兵米例支本色四個月折色八個月其折色內惟二三五六八九等月每石折銀一兩二錢至十一十二兩月及遇有閏

月每石則折銀七錢五分多寡既未畫一且偶值市價昂貴兵丁未免拮据嗣後江寧駐防兵丁十一十二兩月並閏月折色俱著加恩照二三等月之例一概給銀一兩二錢該部即遵諭行

乾隆十六年三月三十日

上諭內閣曰大學士陳世倌從前罷任尚無大咎上年已復予原銜此番於行在屢經召見雖年過七十精力尚健且係舊人仍著入閣辦事

乾隆十六年四月初三日

上諭內閣曰革職叅將阮玉堂著以都司用革職都司耿蕙著以守備用

乾隆十六年四月初五日

上諭內閣曰賞給拉薩河兵錢糧一月自京隨來水手網戶賞給錢糧半月江南水手頭領賞給二兩銀鏹一錠水手等仍各賞給一兩銀鏹一錠

乾隆十六年四月初七日

上諭內閣曰著于商捐供億銀內賞給蘇州織造圖拉
一萬五千兩以為辦公之用

乾隆十六年四月初十日

上諭內閣曰乍浦水師滿洲兵自雍正七年設立於杭
州江寧二處餘丁內挑選移駐原定加增每名月支
餉銀二兩米一石伊等水陸操防差務繁多而移駐
將及二十年家口漸增所領銀米不敷食用朕命駕
省方清問所周無不廣敷渥澤自應一體加恩所有

乍浦駐防水師新兵每月米石著照杭州駐防之例
給與二石五斗其應支本色折色之處令該將軍督
撫都統酌量照例辦理

乾隆十六年四月二十四日

上諭內閣曰休致尚書魏廷珍之子魏錫齡賞給一品
廕生

乾隆二十二年正月初二日

上諭內閣曰朕巡幸江浙前經降旨截留江蘇漕糧十

萬石浙江漕糧五萬石預備臨期平糶之用所有此
項減歇漕船向例止給一半月糧於該丁等生計未
免拮据著加恩於應給月糧之外再賞給十分之二
該部即遵諭行

乾隆二十二年正月十八日

上諭內閣曰朕奉

皇太后鑒典載臨江浙經過直隸山東各州縣男婦年七
十以上者俱著查明照從前恩詔之例分別賞賚

乾隆二十二年正月二十五日

上諭內閣曰此次南巡所有直隸山東派出辦差兵丁著加恩賞給兩個月錢糧

乾隆二十二年正月二十九日

上諭內閣曰此次南巡經過直隸山東二省所有辦差文武各官住俸罰俸降級之案著加恩准其開復如無此等叅罰案件者各加一級

乾隆二十二年正月三十日

上諭內閣曰大學士史貽直謝事歸田協辦大學士尚書梁詩正請假終養在籍均屬安靜可嘉茲值南巡前來接駕俱著加恩照其品級在家食俸侍郎錢陳羣從前在京供職勤慎今養病林居亦著加恩在家食俸以昭眷念舊臣之意

乾隆二十二年二月初一日

上諭內閣曰左都御史梅穀成在

皇祖時以算學効力內廷經朕擢用游歷正卿今謝事家

居年近八十著加恩照其原品級在家食俸

乾隆二十二年二月初二日

上諭內閣曰朕省方觀民再臨江浙行慶施惠葺屋均
需其地方各官之承辦差務者亦宜加以優叙以昭
盛典所有江浙二省辦差文武員弁任內罰俸住俸
降級之案俱著加恩准其開復其無此等叅罰者俱
各准其加一級

同日

上諭內閣曰朕翠華南幸載莅江淮問俗省方宏敷愷澤兩淮衆商皆未登仕版之人其承辦差務踴躍急公宜沛特恩以示獎勵伊等本身原有職銜如已至三品者俱著賞給奉宸苑卿銜其未至三品者俱各加頂帶一級

同日

上諭內閣曰朕奉

皇太后鑒輿載巡江浙所至黎庶愛戴情殷夾道焚香歡

迎輦路而鶴髮皤然扶携恐後尤堪軫念所有江浙
二省男婦年七十以上者俱著加恩照從前恩詔例
賞賚以示優老引年之意

乾隆二十二年二月初三日

上諭內閣曰兩淮辦差商衆現已加恩優叙更念該商
等銷引辦課歲額通完而於地方公事更樂輸恐後
即如前歲江省災務在國家之撫恤雖已逾數千萬
而淮揚煮賑半出商捐其桑梓任恤之誼深可嘉予

著再加恩自丁丑綱為始綱鹽食鹽每引加賞十觔不在原定成本之內以二年為限庶民力既足而商力亦紓以示恤商愛民之意

同日

上諭內閣曰朕清蹕時巡膏澤疊沛所有江浙二省派出辦差之綠營兵丁俱著加恩賞給兩月錢糧以昭恩賚

乾隆二十二年二月初五日

上諭內閣曰禮部侍郎沈德潛致仕歸田年逾八十實為蓬瀛人瑞今來接駕著加恩給與禮部尚書銜以示優念老臣之意

乾隆二十二年二月二十一日

上諭內閣曰現在隨營行走當差之江寧協領委署前鋒翼長各賞緞四疋防禦以上等官各賞緞三疋驍騎校兵丁人等各賞一月半錢糧

同日

上諭內閣曰自京隨來水手網戶著賞一月錢糧江南省水手頭目著賞一兩重銀鏹兩個水手每名著賞一兩重銀鏹一個緋兵每名著賞一月錢糧

乾隆二十二年二月十五日

上諭內閣曰現在隨同護軍營當差杭州協領著賞緞四疋防禦以上等官各賞緞三疋驍騎校兵丁人等俱著賞給一月半錢糧沿途坐臺江寧京口杭州乍浦協領叅領著各賞緞三疋防禦以上等官各賞緞

二足驍騎校兵丁人等著賞給一月錢糧

同日

上諭內閣曰朕奉

皇太后鑾輿再臨江浙巡省所至惠澤頻頒而優老引年
加恩尤渥其江寧京口杭州乍浦等駐防旗人男婦
年七十以上者亦著照從前恩詔例一體賞賚以昭
慶典

乾隆二十二年三月初三日

上諭內閣曰此次駐防杭州官兵內沿途坐臺隨營辦差演陣人等俱已加恩分別賞給在城官兵尚未得賞伊等俱各奮勉辦差著加恩與演陣官兵減半賞給

乾隆二十二年三月初七日

上諭內閣曰京城隨來水手網戶著賞給一月錢糧江南省水手頭目等賞給一兩重銀鐲各二個水手等著賞給一兩重銀鐲各一個管河兵守備著賞給金

牌各一面銀牌各二面千總把總等著賞給銀牌各
三面効力千總把總等著賞給銀牌各二面六班河
兵著賞給一月錢糧

乾隆二十二年三月十二日

上諭內閣曰顧棟高前以保舉經學特賜國子監司業
銜今朕巡幸江南前來接駕念其年登耄耋經術湛
深著加恩賜以國子監祭酒銜用示獎勵寔學之意

同日

上諭內閣曰秦壽然著加恩賞給翰林院編修職銜秦芝田著賞復知縣原銜秦東田秦莘田俱著賞緞二疋

乾隆二十二年三月十五日

上諭內閣曰自京隨來水手網戶著賞一月錢糧江南省水手頭目著賞一兩重銀鏹各二個水手等著賞一兩重銀鏹各一個拉鱗河兵一千名著賞一月錢糧

乾隆二十二年三月二十三日

上諭內閣曰原任大學士史貽直從前為伊子致書是以令其休致兩年以來家居安靜業已改悔朕南巡前來接駕見其精神未衰尚堪任使且宣力年久本係舊臣大學士黃廷桂現在兼管陝甘總督內閣需人史貽直仍補授大學士入閣辦事黃廷桂仍以大學士管理陝甘總督事務

乾隆二十二年七月十四日

上諭內閣曰今春南巡接駕廢員內酌量情罪較輕者
加恩分別賞給職銜用廣行慶施惠之典所有胡定
虞欽元龔錫輅趙林徐以豐沈瀾汪垕馮景曾馮渠
王賓孔興浙徐錦于文駿黃昌遇施敬勝康廷道胡
圻蕭濬故彥輔郭錦春謝禮朱元彬蔣尚憲孫璋劉
晏于文濬張廷發王瑜楊明楊成龍馬正蘇芳張高
萬世洪等三十四員俱著照原銜賞給頂帶馮元欽
吳英嚴裕鈺余騰蛟夏宗瀾朱叔權陳克繩王煥陳

詩劉炳張秉綸劉日章沈震世汪疇李百奎韓楫張
九鈞吳日華曹守垣湯登鰲李九標吳卓黃宜載謝
祖庚梁卿材焦作新俞垂宋文鑑楊高士馬澤程國
棟陳學沆陳基姜之瑜梅廷訓卞灤趙康吳鶚峙胡
世科葛淳王鑑黃家甲程元度金世越王林顧楠宋
模宋應麟黃守箴鄭嘉忠曾曰環蔣禹敷金枚臣顧
紹愚黃元吉等五十五員俱著照伊原銜降一級賞
給頂帶宮爾勸著照伊原銜降四級賞給頂帶丁廷

讓著照伊原銜降三級賞給頂帶戚振鷺著照伊原銜降二級賞給頂帶金文淳著該部行文調取來京引見

乾隆二十七年正月十三日

上諭內閣曰朕因巡幸江浙前經降旨著照丁丑年之例於江浙兩省冬兌漕糧內各截留十萬石預備臨時平糶之用所有此次減歇漕船向例止給一半月糧於該丁等生計未免拮据著加恩於應給月糧之外

再賞給十分之二該部遵諭速行

乾隆二十七年正月十七日

上諭內閣曰此次南巡所有直隸山東派出辦差兵丁著加恩賞給一月錢糧

乾隆二十七年正月二十三日

上諭內閣曰此次南巡經過直隸山東二省所有辦差文武各官住俸罰俸絳級之案俱著加恩准其開復如無此等叅罰案件者各加一級

乾隆二十七年二月初四日

上諭內閣曰朕清蹕時巡聿昭慶典所有江浙二省派出辦差兵丁著加恩賞給兩月錢糧以示恩賚

上諭內閣曰原任左都御史梅穀成以康熙年間舊人服官有年休致在籍今前來接駕雖齒逾八秩而神明不衰居鄉亦復安靜洵屬昇平耆瑞念其家計清素諸子內亦無通籍之人著加恩將伊長子梅戩賞給舉人一體會試以示優眷

乾隆二十七年二月十二日

上諭內閣曰朕此次南巡所有江浙二省辦差文武各官任內罰俸住俸降級之案俱著加恩准其開復其無此等叅罰案件者著各加一級以昭慶典

乾隆二十七年二月十四日

上諭內閣曰朕此次南巡所有兩淮商衆承辦差務皆能踴躍急公宜沛特恩以示獎勵其已加奉宸苑卿銜之黃履暹洪徵治江春吳禧祖各加一級已加按

察使銜之徐士業汪立德王鼎俱著加奉宸苑御銜
李志勲汪秉德畢本恕汪燾著各加按察使銜程徵
榮著賞給六品職銜程揚宗程玗吳山玉汪長馨俱
著各加一級

同日

上諭內閣曰兩淮商衆現已加恩優叙更念該商等銷
引辦課歲額通完而於承辦差務尤能踴躍急公深
堪嘉予著再加恩自壬午綱為始綱鹽食鹽每引加

賞十觔不在原定成本之內以二年為限庶民食既足而商力亦舒用示恤商愛民之意

乾隆二十七年二月十五日

上諭內閣曰自京隨來水手網戶每人賞一月錢糧江南水手頭目每人賞一兩重銀鏹二個水手每人賞一兩重銀鏹一個拉緯河兵一千名每人賞一月錢糧

乾隆二十七年二月十七日

上諭內閣曰朕奉

皇太后鑒與南巡江浙行慶施惠愷澤鴻敷而優老引年
推恩宜渥所有江浙二省及經過地方男婦年七十
以上者俱著加恩照從前恩詔例一體賞賚以廣

慈福

上諭內閣曰朕稽古省方推

恩錫福其江寧京口杭州乍浦等駐防旗人男婦七十以

上者亦著照從前恩詔例一體賞賚以敷慶澤

乾隆二十七年三月初六日

上諭內閣曰由京城隨從水手網戶人等各賞給一月
錢糧江南水手頭目等各賞給一兩重銀鏹二個水
手等各賞給一兩重銀鏹一個管河兵守備等各賞
給金牌一面銀牌二面千把總等各賞給銀牌三面
効力千把總等各賞給銀牌二面六班河兵等各賞
給一月錢糧

乾隆二十七年三月十一日

上諭內閣曰此次南巡兩淮辦差商衆已降旨獎賞而浙商亦有承辦差務巡省所至宜一體加恩以敷慶澤著將嘉松寧紹等所運銷引每引各加五觔以一年為滿俾民食足而商力紓稱朕恤商愛民至意

乾隆二十七年三月十四日

上諭內閣曰本年巡幸江浙降旨截留漕糧以備平糶所有此次減歇漕船業已加恩於一半月糧之外賞

給十分之二而各省因災減歇漕船向例俱止給一
半月糧于該丁等生計未免拮据亦著加恩各於應
給月糧之外賞給十分之一該部遵諭速行

同日

上諭內閣曰尚書錢陳羣原係刑部侍郎著加恩賞給
刑部尚書銜

乾隆二十七年三月二十一日

上諭內閣曰自京隨來水手網戶著每人賞給一月錢

糧江南水手頭目等著賞給銀一兩銀鏹二個水手頭目等著賞給銀一兩銀鏹一個河兵一千名每人著賞給一月錢糧撐駕渡江槳船兵二十八名著加倍每人賞給兩月錢糧

乾隆二十七年四月十三日

上諭內閣曰河庫道錢度糧道胡文伯歷仕江省年久辦理公務俱屬奮勉出力著加恩賞給按察使銜以示獎勵

乾隆二十七年四月十四日

上諭內閣曰鎮江府署丹徒縣知縣徐名標辦公黽勉著加恩准其實授

乾隆二十七年四月二十五日

上諭內閣曰恩賞拉緯河兵六百名每名銀二兩共銀一千二百兩

乾隆二十七年六月十一日

上諭內閣曰吏兵二部將此次南巡接駕人員查開履

歷按情具奏朕詳加檢閱除從前已經賞給頂帶職銜並案情較重者毋庸辦理外所有編修沈齊禮胡紹鼎張坦湯大紳邵齊燾毛咏喻煒陸樹本檢討潘乙震等九員俱因考試休致別無公私過犯其有情願來京考試者准其自行來京候朕考試定奪至因事降革之馮錫趙通經趙屏晉金文宗朱辰靳樹椿徐炳王心銘段宏深韓鏞鍾和梅戴泰運田儉等十三員核其緣事情節尚屬因公與行止卑污及有賊

私罪贖者不同著該部行文調取來京引見再降諭
旨並將各員原叅情由查明于引見時一併附摺聲
奏

欽定南巡盛典卷六十九

欽定四庫全書

欽定南巡盛典卷七十

褒賞

乾隆二十九年十月十五日

上諭內閣曰朕明春恭奉

皇太后安輿巡幸江浙扈從人等需用船隻俱照每船水手按名給與僱值第念該船戶等在途駕駛往還實為勞勩其應行抵通船隻守候更不免需時若照常

價每水手一名日給口食銀五分資給或未能充裕著
加恩將所有扈從船隻按照水手每日每名日增給
銀一分抵通船隻每名日增給銀三分該督撫等即於
恩賞及上屆餘存銀兩內動用並責成司船之員稽
查妥辦毋任胥役人等從中侵蝕俾船戶均沾實惠

乾隆三十年正月十八日

上諭內閣曰朕恭奉

皇太后安輿巡幸江浙鑾輿所莅宜廣

慈仁以昭盛典所有經過直隸山東二省之老民老婦著
照從前恩詔之例賞賚用昭優老引年之意

乾隆三十年正月十九日

上諭內閣曰朕翠華南幸經過直隸山東二省辦差文
武各官住俸罰俸降級之案俱著加恩准其開復如
無此等叅罰案件者各加一級

同日

上諭內閣曰此次南巡所過直隸山東二省派出辦差

兵丁著加恩賞給兩月錢糧

乾隆三十年正月二十日

上諭內閣曰朕因巡幸江浙前經降旨于江浙二省冬
兌漕糧內各截留十萬石預備臨時平糶之用此項
減歇漕船向例止給一半月糧於該丁等生計未免
拮据著加恩於應給月糧之外再賞給十分之二

乾隆三十年正月二十三日

上諭內閣曰朕恭奉

皇太后安輿省方問俗凡清蹕所經祇令灑掃潔淨毋事
華飾及添建行宮屢經降旨申諭而地方大吏以

慈駕臨駐擅盧究不若屋宇之安善尚有葺治行館以供
憩息者因其義適

溫清且成事不說是以不復禁止茲停景州見一切位置
頗為妥適從前所賞公帑尚恐不敷應用在封疆大
臣善體朕意雖不致派累閭閻而各官或有捐廉經
理亦非所以示體恤著加恩於直隸存公項內賞銀

二萬兩以裕工作之需再山東亦有新建坐落三處
經畫量與直隸相同亦著於該省存公項內賞銀二
萬兩充用該部即遵諭行

乾隆三十年二月初八日

上諭內閣曰朕恭奉

皇太后安輿巡幸江浙翠華所至愷澤覃敷而優恤高年
推恩宜渥著將江南浙江二省男婦年七十以上者
俱照從前恩詔之例一體賞給以示恩賚

乾隆三十年二月初十日

上諭內閣曰此次南巡所有江浙二省派出辦差兵丁著賞給兩月錢糧以示恩賚

乾隆三十年二月十二日

上諭內閣曰朕巡幸江浙所有該二省辦差文武各官任內罰俸住俸降級之案俱著加恩准其開復其無此等叅罰案件者著各加一級

乾隆三十年二月十三日

上諭內閣曰水手吳賓呂聖林劉星太著加恩賞給八品頂帶

乾隆三十年二月十四日

上諭內閣曰江南浙江辦差滿洲兵丁著加恩賞給一月錢糧

乾隆三十年二月十五日

上諭內閣曰朕恭奉

皇太后臨幸江浙推

恩錫類優渥引年著將江寧京口杭州乍浦駐防男婦年七十以上者亦照從前恩詔例一體賞給以數慶澤

乾隆三十年二月十六日

上諭內閣曰朕此次南巡體恤兩淮商衆先期傳諭不令捐輸繁費而伊等趨事踴躍甚屬可嘉著加恩均照本身職銜各加一級

乾隆三十年二月十七日

上諭內閣曰原任吏部尚書王安國之子生員王念孫

著加恩賞給舉人一體會試

乾隆三十年二月十九日

上諭內閣曰京中隨來水手網戶著賞給一月錢糧江南水手頭目著賞給一兩重元寶兩個水手每人著賞給一兩重元寶一個拉緯河兵一千名著賞給一月錢糧

乾隆三十年二月二十日

上諭內閣曰此次渡江各船水手人等往返駕駛俱屬

龜勉著加恩於應給僱值四分外每名每日各增給銀一分以示體恤該部即遵諭行

乾隆三十年二月二十五日

上諭內閣曰拉緯六班河兵俱著加恩各賞一月錢糧
官兵守備等各賞金牌一面銀牌二面千總把總各
賞銀牌三面効力千總把總各賞銀牌二面下船催
趲拉緯河兵之水手網戶十四名各賞給一兩重銀
鐲一個

乾隆三十年閏二月初六日

上諭內閣曰翰林院編修陳邦直著賞給翰林院侍讀
銜

乾隆三十年閏二月初八日

上諭內閣曰此次接駕一百七歲之訓導王世芳著賞
給匾額並緞二疋

乾隆三十年閏二月十二日

上諭內閣曰沈德潛錢陳羣江浙耆宿也並以卿貳子

告里居曩者省方東南存問所及特晉尚書階優頒
縹祿茲時巡莅止二臣咸扶杖迎謁耄耄而神明不
衰維國之瑞朕甚嘉焉其各加太子太傅以寵異之
沈德潛之孫錢陳羣之幼子各一人並賜舉人一體
應禮部試俾二臣益忻愉恬養以躋期頤副朕優高
年眷舊臣之意

乾隆三十年閏二月十九日

上諭內閣曰沈德潛錢陳羣前以侍郎予告里居曾降

旨准令在籍食俸今已晉加尚書銜俱著照加銜食
一品俸

乾隆三十年閏二月二十三日

上諭內閣曰食二兩錢糧水手頭目呂聖林劉星太等
俱賞給八品頂帶每月仍賞給錢糧一兩

同日

上諭內閣曰京城水手網戶著加恩各賞給一月錢糧
江南水手頭目著各賞給一兩重銀鏤兩個水手等

著賞給一兩重銀鏰各一個拉緯河兵各賞一月錢糧

乾隆三十年閏二月二十四日

上諭內閣曰原任禮部侍郎蔡世遠之子蔡長訥原任江蘇巡撫邵基之孫邵洪俱著賞給舉人一體會試
乾隆三十年三月二十五日

上諭內閣曰由京都隨來之水手網戶著賞給一月錢糧江南省水手頭目等賞給一兩銀鏰各二個水手

等賞給一兩銀銀各一個拉緯河兵一千名每人賞五錢銀銀各一個

乾隆三十年四月初二日

上諭內閣曰東省拉緯河兵著加恩賞給一月錢糧

乾隆三十年四月十一日

上諭內閣曰

皇太后御舟及隨從各船所有直隸拉緯河兵六百名每

人著賞銀二兩

乾隆三十年六月二十二日

上諭內閣曰此次南巡接駕人員據吏兵二部查開履歷案情朕詳加檢閱核其緣事情節內因考試休致之編修沈齊禮周龍官陸樹本戈岱邵齊燾焦汝翰檢討艾茂李臺金維岱等九員有情願來京考試者准其自行來京候朕考試定奪至因事降革之沈慰祖陸朝棟鹿驄豫王銘琮宮去各胡邦祐季允性莫如忠張學浩朱煥彭朝元張度候克岐張開仕史錦

金史卷之七十一
陶淳黃玉衡胡啓植唐廷槐葛岬起董鈞倪存謨蔣
學鏡邵謙吉顧偉烈吳嘉善周鼎劉世宏余崇年宋
齊猷耿佩誠戴超廉大禮孟明遠等三十四員著該
部行文調取來京引見再降諭旨其不願來京者聽
之

乾隆四十五年正月十四日

上諭內閣曰此次南巡所有直隸山東派出辦差兵丁
著加恩賞給兩月錢糧

同日

上諭內閣曰朕翠華南蒞行慶施恩所有經過直隸山東二省凡老民老婦著加恩賞賚用示優老引年之至意

乾隆四十五年正月十五日

上諭內閣曰此次南巡經過直隸山東二省所有辦差文武各官住俸罰俸降級之案俱着加恩准其開復如無此等叅罰案件者各加一級

乾隆四十五年正月十六日

上諭內閣曰朕巡幸江浙上年業經降旨照從前之例於江浙兩省冬兌漕糧內各截留十萬石預備臨時平糶之用所有此次減歇漕船向例支給一半月糧於該丁等生計未免拮据著加恩於應給月糧外再賞給十分之二以示體恤該部即遵諭行

乾隆四十五年正月十八日

上諭內閣曰朕巡幸江浙省方觀民曾降諭旨令沿途

地方大吏毋得踵事增華致滋糜費第念蹕路經由
直省一切行館悉仍其舊而地方官逐程修葺經理
亦未免稍需用度著加恩於長蘆鹽課應解內務府
銀兩內賞給銀二萬兩以示體恤

乾隆四十五年正月二十日

上諭內閣曰朕翠華南蒞問俗省方道經山左因念各
處舊有行宮久未臨幸地方官逐程修葺經理不免
稍需用度該省又添建坐落二處亦不無所費著加

恩於山東鹽課內賞給銀三萬兩以示體恤

乾隆四十五年正月二十四日

上諭內閣曰鑾儀衛曰請轎校尉奉車太監著加恩俱賞給一個月錢糧

乾隆四十五年正月二十八日

上諭內閣曰此次南巡所有山東青州德州江寧京口杭州乍浦等處駐防老人老婦著加恩一體賞費用宣慶澤

乾隆四十五年二月初六日

上諭內閣曰朕翠華南蒞愷澤覃敷而優恤高年施恩
宜渥所有江南浙江二省老民老婦俱著加恩賞賚
乾隆四十五年二月初十日

上諭內閣曰朕巡幸江浙所有該二省辦差文武各官
任內罰俸住俸降級之案俱著加恩准其開復其無
此等叅罰案件者各加一級

同日

上諭內閣曰朕清蹕時巡恩施宜渥所有江浙二省派出辦差兵丁著加恩賞給兩月錢糧

乾隆四十五年二月十四日

上諭內閣曰所有江浙兩省隨營滿兵著賞給一月錢糧

乾隆四十五年二月二十一日

上諭內閣曰江南省水手頭目各賞一兩重銀鐐兩個
水手每人賞一兩重銀鐐一個拉絳河兵一千名著

賞一月錢糧

乾隆四十五年二月二十九日

上諭內閣曰此次隨營各項人等雖給過恩賞但內地行走較遠外不同用度不無稍費著總理行營事務王大臣將此次隨行人等及存留王家營各項人等作何分別給賞之處定議具奏具賞賚銀兩在兩淮運庫存貯公項內動支

乾隆四十五年三月初六日

上諭內閣曰據三寶奏上年福建省欽賜舉人郭鍾岳
年一百歲又陳應騰年八十八歲宋耀年八十五歲
該舉人等情殷感激現由福建來至浙省謝恩等語
郭鍾岳等以海隅寒峻年臻大耋茲因翠華南蒞遠
涉迎鑾著各賞御書墨刻緞二疋荷包一對郭鍾岳
壽躋百齡尤為熙朝人瑞著加恩賞給進士以示優
眷耆儒至意

同日

上諭內閣曰朕臨蒞浙江所有該省辦差各兵業已加恩賞賚其福建綠營兵丁調至浙省辦差者並著一體加恩賞給兩月錢糧

乾隆四十五年三月初八日

上諭內閣曰浙江巡撫王亶望之母鄧氏年逾八袞著加恩賞給御書匾額並大緞二疋貂皮四張

乾隆四十五年三月初十日

上諭內閣曰呈出漪園玉件之商人姚經又據該撫奏

稱為浙商中最得力之人著加恩從優賞給四品頂帶其辦事出力列為一二等之各商內除何宗方已授遊擊封典汪立名金海業經議叙州同即用均可毋庸加恩外其捐職主事王仕基捐職同知方燧捐職布政司經歷吳世驊許世斌捐職布政司理問許擎捐職州同葉道立六員著加恩各照原捐職銜賞給加一級頂帶

乾隆四十五年三月十六日

上諭內閣曰著加恩賞給京城水手網戶每人一月錢糧江南水手頭目每人賞給一兩重銀鏤二個水手等賞給一兩重銀鏤一個六班拉緯河兵賞給一月錢糧管理河兵之守備等各賞給金牌一面銀牌二面千總把總等各賞給銀牌三面効力行走千總把總等各賞給銀牌二面

乾隆四十五年四月初七日

上諭內閣曰叅將李永吉前在河南搶護壩工頗著勞

績著加恩賞給銀伍拾兩緞二疋以示優獎

乾隆四十五年四月十八日

上諭內閣曰山東省拉緯河兵著加恩賞給一月錢糧

乾隆四十八年十一月二十二日

上諭內閣曰朕明春巡幸江浙扈從人等需用船隻俱照每船水手按名給與僱值第念該船戶等在途駕駛往還未免守候需時若照常價每水手一名日給銀五分未能充裕著加恩將所有扈從船隻按照水

手每名增給銀一分該督撫等即于恩賞銀內動支
並責成司船之員稽查妥辦毋任胥役人等從中侵
蝕俾得均霑實惠

乾隆四十九年正月二十二日

上諭內閣曰此次南巡經過直隸山東二省所有辦差
文武各官住俸罰俸降級之案俱著加恩准其開復
如無此等叅罰案件者各加一級

乾隆四十九年正月二十四日

上諭內閣曰此次南巡所有直隸山東派出辦差兵丁著加恩賞給兩月錢糧

乾隆四十九年正月二十五日

上諭內閣曰朕巡幸江浙上年業經降旨照從前之例於江浙兩省各兌漕糧內各截留十萬石預備臨時平糶之用所有此次減歇漕船向例止給一半月糧于該丁等生計未免拮据著加恩於應給月糧外再賞給十分之二以示體恤該部即遵諭行

乾隆四十九年正月三十日

上諭內閣曰所有長蘆商人恭進銀十萬兩著賞給山東三萬兩以為辦差費其餘七萬兩著解交浙江海塘工次備用

乾隆四十九年二月初二日

上諭內閣曰據明興奏癸卯科山東鄉試有年屆八十以上之生員焦會澄等六名三場完卷未經中式等語談生等俱年逾八旬踴躍觀光深堪嘉尚茲當鑒

輅經臨允宜特沛恩施以示獎勵焦會塗趙象觀張
申張自道徐簡颺梁重華俱著加恩賞給舉人准其
一體會試用昭省方作人優惠耆齡之至意該部知
道

乾隆四十九年二月初四日

上諭內閣曰所有長蘆應解浙江海塘銀七萬兩著再
賞給山東三萬兩以為辦差之用其餘四萬兩仍遵
前旨解赴海塘工程備用

乾隆四十九年二月初九日

上諭鑒儀衛曰請轎校尉每名著賞給一個月錢糧

乾隆四十九年二月初九日

上諭內閣曰前歲堵築青龍岡壩工時漫水業已斷流旋因西壩陡蟄大溜下注河道總督李奉翰在工竭力搶護以致跌入金門被纜格傷若非有人拯救幾至殞命該督以總河大員身先督率經此危險寔堪嘉尚從前薩載因辦理陶莊引河甚為出力曾經賞

給騎都尉世職今李奉翰前來接駕朕軫念前勞宜
膺懋賞李奉翰著照薩載之例加恩賞給騎都尉世
職以示優眷

同日

上諭內閣曰騎都尉世職著加恩以李奉翰長子鑾儀
衛治正李慶徵承襲

乾隆四十九年二月十七日

上諭內閣曰朕巡幸江浙所有該三省辦差文武各官

任內罰俸住俸降級之案俱著加恩准其開復具無此等叅罰案件者各加一級

同日

上諭內閣曰朕翠華南莅慶典覃敷優惠耆年宜加渥澤所有江浙二省老民老婦俱著加恩賞賚

同日

上諭內閣曰朕清蹕時巡恩施宜溥所有江浙二省派出辦差兵丁著加恩賞給兩月錢糧

乾隆四十九年二月二十二日

上諭內閣曰京城水手網戶每名賞給一個月錢糧江南水手頭目每名賞給一兩重銀鏹二個水手等各賞給一兩重銀鏹一個六班拉犍河兵各賞給一個月錢糧管理河兵之守備等各賞給金牌一面銀牌二面千總把總等各賞給銀牌三面効力行走千總把總等各賞給銀牌二面

乾隆四十九年二月二十六日

上諭內閣曰此次南巡所有江寧京口杭州乍浦等處駐防之老人老婦著加恩一體賞賚用宣慶澤

乾隆四十九年三月十四日

上諭內閣曰福建欽賜進士郭鍾岳年屆一百四歲茲來浙迎鑾皓首龐眉允稱人瑞著加恩賞給國子監司業職銜以示朕嘉會期願至意

乾隆四十九年三月二十五日

上諭內閣曰朕巡幸浙江所有該省辦差各兵業已加

恩賞賚其福建綠營兵丁調至浙江辦差者並著一體加恩賞給兩月錢糧

乾隆四十九年四月初七日

上諭內閣曰朕清蹕巡方優惠耆年江浙兩省已普加恩賚至直隸山東為經過地方向來不在此例茲仰承

天眷喜得五世元孫嘉慶駢臻恩施宜渥所有直隸山東二省老民老婦俱著加恩一體賞賚用溥壽祺

欽定四庫全書

史部

欽定南巡盛典卷七十三

詳校官兵部主事臣雷純

欽定四庫全書

欽定南巡盛典卷七十一

褒賞

乾隆十六年二月初八日大學士公傳恒奏言臣

欽奉

諭旨今日查得預備河工打樁下埽官兵遊擊一員守

備四員兵五百名夫三百名應賞伊等之處酌量

議得遊擊賞獎武金牌一面官緞一疋守備四員

每員賞獎武銀牌三面兵五百名每名賞獎武銀牌各一面夫三百名每名賞三錢銀銀各一錠此內落水守備鄭一舉兵三名酌量加賞守備官緞一疋兵加賞獎武銀牌各一面恭候

命下之日所有應賞獎武金銀牌銀銀官緞由廣儲司支領賞給外其守備鄭一舉奉

旨記名之處交與兵部謹

奏奏入

上諭曰遊擊朱一智著再加賞獎武金牌一面亦著交
兵部記名鄭一舉著賞整聯大緞一疋再加賞獎武
銀牌一面其墜河兵丁三名亦著加賞獎武銀牌一
面餘依議

乾隆十六年二月十五日傳恒等奏言乾隆十六
年二月初七日奉

上諭此次隨朕南巡人等雖俱賞有幫貼路費俸祿錢
糧官馬但內地行走與口外不同其一應物價不無

昂貴勢必稍需餘費著總理行營事務大臣將此次隨來大臣侍衛官員執事人兵丁及存住順河集人等作何加恩賞賜之處分別定議具奏所賞銀兩於兩淮鹽政存貯公項銀內動用欽此

臣等伏思隨

駕巡方乃臣等分內之事起程以前即加

恩賞給幫貼路費官馬錢糧途間甚屬寬裕今

皇上復念內地行走與口外不同惟恐稍有不足令臣

等議賞隨從大臣官兵之

諭旨體恤周詳無微不至查得前次遵

旨除賞親王一千兩郡王八百兩貝勒六百兩宗室公

二百兩外一品以下三品以上文武大臣賞給本

職正俸半年四品以下堂官侍衛等各賞給四十

兩五品以下堂官內府護軍統領前鋒章京侍衛

護軍叅領等官各賞銀三十兩六品以上文員及

內府叅領雲騎校步軍叅領步軍校管拉駝兵丁

章京等各賞銀二十兩七品以下中書等員批本處行走之監生巡捕三營守備俱各賞銀十五兩護軍校驍騎校巡捕三營千總把總庫使等各賞銀六兩前鋒親軍護軍等各賞銀五兩領催各賞銀四兩食錢糧執事人等各賞銀四兩食二兩三兩錢糧執事披甲校尉人等各賞銀三兩其餘各項匠役等俱各賞銀二兩總管太監等各賞銀二兩十兩首領太監有頂太監等賞銀十五兩太監等

各賞銀四兩臣等擬將此次應賞隨從及存住順
河集等處人等分別酌議現在隨從一品以下三
品以上文武大臣仍照從前賞給半年本職正俸
額駙色布騰巴爾珠爾貝子扎拉豐阿俱兼都統
亦應照一品大臣賞給四品堂官侍衛鑾儀衛章
京等各賞銀四十兩五品堂官監察御史內府護
軍統領前鋒章京侍衛護軍叅領等各賞銀三十
兩六品以上文員粘杆處行走閑散官員內府叅

領步軍叅領步軍校等各賞銀二十兩七品以下
文員批本處行走監生巡捕三營守備等各賞銀
十五兩前鋒親軍護軍校驍騎校巡捕三營千總
把總庫使等各賞銀六兩前鋒及親軍護軍各賞
銀五兩領催各賞銀四兩食錢糧頭目執事人等
各賞銀四兩食二兩三兩錢糧頭目執事拜唐阿
天文生聽差人披甲校尉人等各賞銀三兩各項
匠役番役廚役步軍領催兵丁綠旗兵水手網戶

人等各賞銀二兩總管太監各賞銀二十兩首領
太監有頂太監各賞銀十五兩太監等各賞銀四
兩存住順河集等處大臣侍衛官員護軍執事各
項人等俱於隨

駕行走人等賞給之數減半賞給共應賞銀約四萬餘
兩俟

命下之日各該處造具清冊交於兩淮鹽政會同
行在戶部照數賞給可也奏入

上諭曰傳恒賞銀六百兩扎拉豐阿色布騰巴爾珠爾
各賞銀四百兩汪扎爾哈達哈舒赫德班第努三汪
由敦各賞俸一年存住順河集人等亦照隨來人等
賞給正分餘依議

乾隆十六年二月二十一日傳恒奏言查現今隨
營行走駐防滿洲官兵內江寧協領二員佐領二
員騎都尉一員防尉二員驍騎校五員兵二百名
杭州協領一員叅領一員佐領一員防尉一員驍

騎校四員兵二百名乍浦佐領一員兵二十名伊
等俱在護軍營內坐堆當差再署理將軍事務黃
廷桂帶來京口兵二百名內除先行發回一百外
其餘協領一員防尉六員驍騎校二員兵一百名
現在隨營管理布城當差再查得自清江浦起至
杭州拱宸橋止沿途共二十九臺坐臺京口協領
一員叅領一員防尉六員驍騎校五員兵一百五
名江寧協領二員佐領二員防尉五員驍騎校四

員兵一百五名杭州協領一員佐領二員防尉二員驍騎校四員兵八十名伊等俱各奮勉當差亦應加

恩分別賞給臣等酌議現在隨營當差協領叅領等賞
緞各四疋佐領騎都尉防尉賞緞各三疋驍騎校
兵丁各賞一月半錢糧沿途坐臺及隨黃廷桂當
差協領叅領等賞緞各三疋防尉以上官員賞緞
各二疋驍騎校兵丁各賞一月錢糧共應賞緞一

百十六疋銀三千四百二十兩有零俟

命下之日緞疋於廣儲司支領賞給外銀兩於鹽政庫
内存公銀兩動用賞給奏入報

聞

乾隆十六年四月十三日山東巡撫準泰奏言欽
惟我

皇上省方問俗覃敷至治凡所以教孝表忠以樹風聲
者無不仰蒙

聖恩闡發幽光以昭

聖化茲臣伏查山東之沂州府舊為瑯琊郡地嗣號臨

沂

本朝因之曰沂州府陞為郡考之通志該地為漢臣
諸葛亮及晉臣王祥王覽唐臣顏杲卿顏真卿故
里是以城內舊有賢良祠為合祀亮與祥覽及杲
卿真卿等五臣之所又忠孝祠專祀亮祥於內今
各祠宇雖皆年久堙圯而志乘載之里民思之並

有諸葛城孝感河諸遺跡存焉臣查此五臣者如
諸葛亮之鞠躬盡瘁殫忠漢室偉業豐功史冊炳
然至如王祥之純孝格天王覽之孝友感母洵皆
至性出於醇篤非僅為一代名臣已也若夫顏杲
卿顏真卿之節烈萃於一門孤忠標於千古尤為
正氣凜然是亮等不獨學術事功彪炳載籍且其
忠孝友悌實為千古人倫坊表今事遠年湮各蹟
雖沉榛莽然里民之懷想芳徽猶昭昭可考茲當

我

皇上翠華巡狩聿修

慶典可否仰懇

天恩將此五臣或

賜匾額或

賜詩章一經

聖主褒嘉則五臣之忠孝亮節既得上隨

奎藻天章永垂不朽而

聖主表忠教孝之化益更光昭萬禩矣奏入報

可

乾隆二十二年二月二十三日大學士傳恒等奏
言查十六年隨

駕前來南省之大臣官員一品以下三品以上文武大
臣等賞給正俸半年四品堂官侍衛鑾儀衛章京
等每人賞銀四十兩五品堂官御史內府護軍統
領前鋒叅領前鋒侍衛護軍叅領等每人賞銀三

十兩六品以上文職官員粘杆處行走之世襲官
內府叅領步軍協尉步軍尉等每人賞銀二十兩
七品以下文職官員及巡捕營守備等官每人賞
銀十五兩前鋒校親軍校戴翎頭目驍騎校巡捕
營千總把總庫使庫上人每人賞銀六兩前鋒親
軍護軍等每人賞銀五兩領催以及食四兩錢糧
頭目拜唐阿等每人賞銀四兩食二兩三兩錢糧
頭目拜唐阿書吏承差披甲校尉等俱每人賞銀

三兩各項匠役捕役廚役步軍領催及步甲綠營
兵水手網戶等每人賞銀二兩總管太監等每人
賞銀二十兩首領太監有頂帶太監等每人賞銀
十五兩太監等每人賞銀四兩存住順河集大臣
侍衛官員護軍拜唐阿各項人等亦照隨從人等
之例賞給正分此次隨

駕前來之大臣侍衛官員拜唐阿兵丁太監及存住王
家營人等俱照十六年賞給之例賞給再宗室公

如松等四人俱照伊等現在職任賞給簡親王額駙德勒克公扎拉豐阿如何賞給及除將軍新柱上次

特恩賞給此次亦照從前賞給之處恭候

欽定欽遵賞給外交與各該處將應得賞銀大臣官員各項拜唐阿兵丁匠役人等職名并內監等數目造冊行文

行在戶部於兩淮鹽政庫存銀兩動支賞給奏入

上諭曰簡親王著賞銀三百兩德勒克扎拉豐阿著賞銀二百兩餘依議

乾隆二十七年二月二十四日總理行營王大臣和碩莊親王允祿等奏言乾隆二十七年二月二十一日奉

旨此次跟隨人等雖俱加恩賞賚但內地行走與邊外不同所用之項皆須少增著交總理行營王大臣等將此次跟隨各項人等並留王家營各項人等如何

加恩賞給之處分別定議具奏其所賞銀兩在兩淮鹽政庫貯公項內動用欽此伏思隨

駕巡幸皆臣等分內之事未經起程已蒙

皇上加恩賞賚今又以內地行走不無多費降

旨議賞誠體恤臣等深恩查乾隆十六年

皇上臨幸江南時一品以下三品以上文武大臣等賞

半年正俸四品堂官侍衛鑾儀衛章京等各賞銀

四十兩五品堂官御史內府護軍叅領前鋒叅領

侍衛護軍叅領等各賞銀三十兩六品以上文員
粘杆處行走世襲官員內府叅領步軍尉步軍章
京各賞銀二十兩七品以下文員巡捕營守備等
各賞銀十五兩前鋒校親軍校藍翎校驍騎校巡
捕營千總把總庫使庫官各賞銀六兩前鋒親軍
等各賞銀五兩領催食四兩錢糧之頭目拜唐阿
等各賞銀四兩食三兩二兩錢糧之頭目拜唐阿
書吏聽使馬甲校尉等各賞銀三兩各匠役捕役

厨役步軍領催步軍綠旗兵丁水手網戶各賞銀
二兩總管太監各賞銀二十兩首領太監有項帶
太監等各賞銀十五兩太監等各賞銀四兩留住
順河集大臣官員及各項人等減半賞給具

奏奉

旨傳恒著賞銀六百兩色布騰巴爾珠爾扎拉豐阿著
賞銀四百兩汪扎爾哈達哈舒赫德班第努三汪由
敦著各賞一年俸留住順河集人等亦照跟隨人等

著全分賞給餘依議欽此二十二年

皇上臨幸江南將跟隨人等賞給之處遵

旨議奏時惟照十六年議賞具奏奉

旨簡親王著賞銀三百兩德勒克扎拉豐阿各賞銀二

百兩其餘各項人等俱照上屆賞給欽此此次莊親

王額駙色布騰巴爾珠爾等如何賞給之處伏候

欽定外其餘大臣官員各項人等留住王家營人等仍

照上屆賞給候降

諭旨由各該處造具清冊交兩淮鹽政會同

行在戶部照數賞給奏入

上諭曰莊親王著賞銀五百兩簡親王額駙色布騰巴爾珠爾傳恆著各賞銀四百兩扎拉豐阿兆惠阿里衮富德著各賞銀三百兩劉統勳汪扎爾努三福隆阿劉綸于敏中著賞給一年正俸留住王家營人等減半賞給餘依議賞給又

諭曰著加恩和濟思博克賞銀一百兩額色音圖爾都

各賞銀八十兩瑪穆特謨咱帕爾各賞銀六十兩

乾隆二十七年四月初一日大學士公傳恒奏言
據糧道胡文伯查稱護軍統領慶泰乘座三號沙
飛船一隻船戶楊繼聖於三月二十九日在江中
失風碰損並未傷人查二月初十日寶應地方因
風傷損船隻查明分別賞恤內三號沙飛傷次重
者得

恩賞銀三十五兩今船戶楊繼聖碰損之船遵

旨加賞一倍應賞銀七十兩俟

命下交與督臣尹繼善即委妥員眼同賞給奏入

上諭曰著賞銀一百兩

乾隆二十七年四月初三日兩江總督尹繼善江

蘇廵撫愛必達奏言臣等查接

駕老民金旭陽係蘇州府吳縣人現年一百零一歲例

應具題該縣尚未具報今恭迎

聖駕欽奉

恩旨令即行辦理應請照例賞銀三十兩給與昇平人瑞四字聽本家自行建坊以昭

旌揚盛典再查向例具題覆准奉

旨加恩賞銀十兩緞一疋今奉

諭旨賞給緞二疋應仍加賞銀十兩理合奏明奏入報聞

欽定南巡盛典卷七十一

欽定四庫全書

欽定南巡盛典卷七十二

褒賞

乾隆三十年閏二月初十日總理行營事務和碩
簡親王豐納亨等奏言乾隆三十年閏二月初三
日奉

諭旨此次隨營人等雖俱加恩賞給但行走係內地與
外地不同用度稍費著交總理行營事務王大臣等

分別賞給再王家營存住各項人等應如何恩賞之處分別議奏所賞銀兩在兩淮鹽政庫内存貯公項內動用欽此查得乾隆二十七年為遵

旨查辦隨營人等賞給之處除莊親王簡親王額駙色布騰巴爾珠爾等如何賞給請

旨定奪其餘大臣官員各項人等并存住王家營人等仍照前次賞給具

奏奉

旨莊親王賞銀五百兩簡親王額駙色布騰巴爾珠爾
傳恒等著各賞銀四百兩扎拉豐阿兆惠阿里衮富
德著各賞銀三百兩劉統勲汪扎爾努三福隆阿劉
綸于敏中著各賞給一年俸王家營存住人等賞給
一半其餘各衆照前次例賞欽此今次照一品以下
三品以上文武大臣再兼職王額駙等俱賞正俸
銀半年四品堂官侍衛鑾儀衛章京等每各賞銀
四十兩五品堂官監察御史內府護軍統領前鋒

欽定四庫全書

御定通志卷七十二

叅領侍衛護軍章京等各賞銀三十兩六品以上
文員粘竿上行走散職官員內府叅領步營副尉
步軍校等每各賞銀二十兩七品以下文官都察
守營官員等每各賞銀十五兩前鋒校親軍校戴
藍翎頭目驍騎校巡捕營千總把總庫使庫丁每
各賞銀六兩前鋒及親軍護軍等每各賞銀五兩
食四兩錢糧領催及拜唐阿等每各賞銀四兩食
三兩二兩錢糧頭目拜唐阿書吏承差披甲校尉

每各賞銀三兩各項匠役番役厨役步兵領催綠
旗兵水手網戶每各賞銀二兩總管太監每各賞
銀二十兩有頂帶太監等每各賞銀十五兩其餘
太監每各賞銀四兩存住王家營大臣官員各項
人等減半賞給俟

命下之時各該處造具清冊交與兩淮鹽政會同
行在戶部照數賞給奏入報

聞

乾隆四十五年二月十七日兩江總督薩載奏言
竊臣接准部咨欽奉

上諭朕清蹕時巡恩施宜渥所有江浙二省派出辦差
兵丁著加恩賞給兩月錢糧欽此除經轉行欽遵辦
理外伏查辦差兵丁仰蒙

聖主殊恩賞賚莫不歡欣鼓舞感頌

皇仁查歷次恭逢

聖駕南巡調撥江西來南辦差兵丁與江南各營兵丁

同一辦差均經前督臣

奏明奉

旨允准給賞今次

翠華南幸臣以南省馬匹不敷

奏明仍撥江西馬匹協濟及酌調將備等員來南差遣所有江西押馬并隨同將備來南辦差兵丁似應照依前屈一體給賞俾得同沐

恩膏臣未敢擅便循例繕摺恭

奏奏八

上諭曰照例賞給

乾隆四十五年三月初五日總理行營和碩莊親

王永瑞奏言乾隆四十五年二月二十九日奉

上諭此次隨駕人等雖給過恩賞但內地行走比在邊
外不同用度不無稍費總理行營王大臣等將此次
跟隨各項人等并存留王家營各項人等如何施恩
分別給賞之處議奏其賞銀動支兩淮運庫銀兩欽

此查得上次

聖駕臨幸江南賞給隨

駕莊親王簡親王御前大臣領侍衛內大臣軍機大臣
等每員五百兩三百兩一年俸祿不等至存留王
家營減半賞給其餘各項人等分別賞給此次仍
照前例一品以下三品以上文武大臣再兼職王
額駙等均給半年正俸四品堂官侍衛鑾儀衛章
京奏事官員批奏官員軍機章京主事等每名四

十兩五品堂官御史並內府章京前鋒章京前鋒
侍衛護軍章京等每名三十兩六品以上文職粘
竿上散職官員內府叅領步軍協領札蘭達等每
名三十兩七品以下文職巡捕營守備等每名十
五兩前鋒統領護軍統領藍翎達駁騎校巡捕營
千總把總庫使庫守每名六兩前鋒親軍等每名
五兩領催食四兩錢糧頭目拜唐阿等每名四兩
食三兩二兩錢糧頭目拜唐阿各項匠役番役厨

役步軍領催兵綠旗兵水手網戶等每名二兩總
管太監等每名二十兩首領太監有頂太監等每
名十五兩各太監等每名四兩存留王家營大臣
官員等項人等減半賞給之外其莊親王睿親王
御前大臣領侍衛內大臣軍機大臣等進呈綠頭
牌請

皇上應否賞給銀兩賞給俸之處俟

指示命下令各該處造具清冊交給兩淮鹽政與

行在戶部一同查核數目賞給奏入

上諭曰淳穎永瑞福隆安札拉豐阿和珅德保拉旺多
爾濟海蘭察阿克棟阿梁國治董誥福長安等每員
賞給本身職俸一年總管太監不必賞首領太監有
頂太監各賞十兩餘依議

乾隆四十五年三月初六日閩浙總督三寶奏言
竊臣上年恭逢

恩科鄉試

臣

兼署福建巡撫印務監臨科場有興化府

學生員郭鍾岳陳應騰宋耀等三名年登耄耋試
竣三場內郭鍾岳一名年係九十九歲精神步履
俱屬強健經臣恭摺具

奏仰蒙

聖恩一體

欽賜舉人今該舉人郭鍾岳本年係一百歲又陳應騰
年八十八歲宋耀年八十五歲該舉人等情殷感
激現由福建來至浙省叩謝

天恩恭迎

聖駕理合奏

聞奏入

上有旨諭閣臣

乾隆四十五年五月十二日薩載奏言乾隆四十

五年恭逢

聖駕南巡欽奉

上諭江寧京口駐防老男老婦加恩一體賞賚用宣慶

澤欽此臣接准部咨即經移行今據江寧布政使劉
增蘇州布政使瑞齡詳稱江寧八旗老年男婦奉
江寧將軍發冊內開七十以上老男六十四名每
名賞銀三兩共銀一百九十二兩八十以上老男
十七名每名賞銀四兩共銀六十八兩九十以上
老婦三口每口賞絹二疋折價銀一兩五錢布八
疋折價銀二兩三錢二分共銀一十一兩四錢六
分八十以上老婦九十九口每口賞絹二疋折價

銀一兩五錢布八疋折價銀二兩三錢二分共銀
三百七十八兩一錢八分七十以上老婦二百三
十七口每口賞絹一疋折價銀七錢五分布四疋
折價銀一兩一錢六分共銀四百五十二兩六錢
七分通共應賞并折給絹布價銀一千一百一兩
三錢一分當經在於漂水縣解司乾隆四十五年
地丁銀內動支呈解散給又京口八旗老年男婦
冊報七十以上老男十五名每名賞銀三兩共銀

四十五兩八十以上老男一名賞銀四兩七十以上老婦八十口每口賞絹一疋折價銀七錢五分布四疋折價銀一兩一錢六分共銀一百五十二兩八錢八分九十歲以上老婦三十四口每口賞絹二疋折價銀一兩五錢布八疋折價銀二兩三錢二分共銀一百二十九兩八錢八分通共應賞并折給絹布價銀三百三十一兩六錢八分隨於華亭縣解司四十五年地丁銀內照數動支呈解

給領合將江寧京口八旗賞給過老男九十七名
銀兩老婦四百五十三口絹布折價通共銀一千
四百三十三兩九錢九分各造具姓名人數冊結
并動款清冊一併詳請

題銷臣覆核無異除冊結送部查核外臣謹會同江
蘇撫臣閔鶚元具

題奏入報

聞

乾隆四十五年六月十六日薩載奏言查江南浙
江辦差滿兵

恩賞一月錢糧接准部咨在於司庫地丁銀內給發造
具姓名冊結送部查核茲據江寧布政使劉墉詳
稱查得江寧八旗辦差兵丁領過一月錢糧賞銀
四千九百二十三兩即經呈請江寧將軍飭取八
旗兵丁實領人數銀數細冊並各旗印結加結今
奉發司遵即造具人數清冊同各印結詳送察核

題銷至前項銀兩係在於乾隆四十四年地丁銀內
動放臣覆查無異除冊結送部外臣謹會同江蘇
撫臣閔鶚元具

題奏入報

聞

乾隆四十八年五月初十日兩淮鹽政伊齡阿奏
言恭照厯屆

聖駕南巡

賞賚官兵人等銀兩並備辦獎武養老銀牌小錠向係
兩淮應解

內庫各項等餉銀下奏請撥留銀十萬餘兩以備支
用茲甲辰年恭逢

聖主巡幸江浙所有

賞賚需用銀兩及銀牌小錠等件據運使倉聖喬詳請
照例先期預備臣伏查向來動用解京餉項原以
運庫一時別無存款不得不於應解項下支用臣

檢查庫項現有上屆兩淮恭

進備

賞銀一百萬兩內除分給直隸山東山西各省公用銀
六十九萬餘兩本年撥交督臣薩載銀二十萬兩
外仍有餘存銀十萬七千六百五十七兩七錢留
為公用之需此項正堪動用查上屆預備銀十二
萬兩今存項即有不敷亦屬有限另飭該司於運
庫零款內湊撥毋庸動支應解銀款理合恭摺

奏明請

旨如蒙

俞允臣即將前項銀兩撥給以備明春

恩賚之用俟差竣用有餘剩仍核明確數解繳合併聲

明奏入報

聞

乾隆四十九年二月初一日領侍衛內大臣尚書

和珅等奏言遵

旨查得青州德州當差兵丁數目青州派出接

駕隨營當差兵三十名泰安府交馬拉馬兵四百名德

州派出俟

聖駕回鑾時由江南交界管轄拉緯兵丁兵三十名此等有正項差務應照例賞給兩個月錢糧外其各隨印等項差使跟來兵丁均不應入於得賞之數至杭州江寧時亦照此將派有正項差使兵丁數目再令該將軍等核實賞給謹

奏奏八

上諭曰照依所奏賞給

乾隆四十九年二月初三日山東巡撫明興奏言

竊照乾隆四十八年癸卯科山東省鄉試臣遵例

監臨查諸生內有長清縣增生焦會塗年八十八

歲長山縣附生趙象觀年八十四歲汶上縣附生

張申年八十三歲新城縣增生張自道年八十一

歲新泰縣附生徐簡颺年八十一歲壽張縣附生

梁重華年八十歲皆三場完卷未經中式臣查該
生等六名生逢

盛世沐浴

恩膏雖年逾八旬猶能奮志功名精神不倦洵為

聖天子壽考作人之所致可否仰邀

皇上格外優卹之處出自

天恩臣謹繕摺具

奏奏入

上諭曰嗣後著於鄉試榜發後即行奏請餘另有旨

乾隆四十九年三月初三日和珅等奏言查從前
拉緯兵丁曾經賞給一月錢糧此次應否賞給之
處恭請

欽定奏入

上諭曰著照所奏賞給

乾隆四十九年三月初四日兩江總督薩載奏言

竊臣接准部咨欽奉

上諭朕清蹕時巡恩施宜溥所有江浙二省派出辦差兵丁著加恩賞給兩月錢糧欽此除轉行欽遵外伏念辦差兵丁仰蒙

聖主殊恩賞賚莫不歡欣踴躍感頌

皇仁查歷屆恭逢

聖駕南巡江西來南辦差兵丁均經奏蒙

恩准同江南辦差兵丁一體給賞在案此次恭逢

翠華南幸

臣

以南省營馬不敷

奏明仍撥江西馬匹協濟並酌調將備等來南差遣
所有江西押馬並隨同將備來南辦差兵丁合無
仰懇

聖恩俯准照依上屆一體給賞俾得同沐

恩施共戴

鴻慈於靡既矣臣謹循例繕摺具

奏奏入報

聞

乾隆四十九年三月十六日和珅奏言查上屆

閱視水操曾經分別賞賚謹繕清單進

呈

御覽此次應否賞賚之處伏候

訓示俟

命下交該衙門預備於

皇上閱操後遵照賞給奏入報

聞

乾隆四十九年四月初二日和珅等奏言此次應
賞水手查前次京城水手網戶每人賞一個月錢
糧江南水手頭目每人賞一兩重銀鏹二個水手
等每人一兩重銀鏹一個山東省拉緯河兵每人
賞一個月錢糧今江南水手頭目山東河兵仍照
上屆賞給外京城水手網戶似可無庸賞給奏入
報

聞

乾隆四十九年九月初四日兩淮鹽政全德奏言
竊照本年

聖駕南巡應備

賞賚官兵銀兩及獎武養老牌先經伊齡阿奏明有上
屆兩淮恭進備

賞銀一百萬兩除解給各省公用外餘銀十萬七千六
百五十七兩七錢現存運庫請即以此項預備

恩賚之用茲據鹽運使倉聖喬詳據委員造冊開報核

計支過

賞賚官兵人等銀五萬七千二百九十三兩七錢五分
廣儲司支銀一萬五千兩總共支銀七萬二千二百九十三兩七錢五分實除存銀三萬五千三百六十三兩九錢五分詳請察銷

臣覆核無異謹繕

摺

奏明並造冊呈送戶部及內務府查照上屆備

賞銀兩除先後分解外餘銀原係遵

旨存留在外備用之項所有此次

賞賚餘剩銀三萬五千三百餘兩應存存貯運庫以備

將來公用合併聲明奏入報

聞

欽定南巡盛典卷七十二

欽定四庫全書

欽定南巡盛典卷七十三

褒賞

乾隆十六年辛未

皇上駐蹕淮安

賜總漕臣瑚寶

御書額曰天儲永裕

駐蹕揚州

賜兩淮鹽政臣吉慶

御書額曰策海流膏

駐蹕蘇州

賜江蘇巡撫臣王師

御書額曰吳會風清

賜蘇州織造臣圖拉

御書額曰采章明備

賜致仕禮部侍郎臣沈德潛